

<County: Yorkshire West Riding>

<Code: L1128>

<MS reference: Beverley, Humberside County Record Office, DDCS 44/1>

<Text: Bond>

Yis indenture mayd be-thweyn~ Fraunk Passelew on o+party & William of Bayldon~ on anothyr
 party wytnes y^t qwere
 ye forsayde William . [& Nicolas his sone] are bonyn~ in a C li of siluyr~ to pay to ye forsayde Fraunk to
 his herys or his excektours at
 ye fest of ye byrthe of oure lorde neyst comand Neuyryelesse ye forsayde Fraunk wyll & grauntes
 for hyme &
 his herys & his excektours y^t yf ye forsayde William feyf or gare feyf Nicolas ye sone of ye same
 Wylliam &
 Jonet ye doghtyr~ of ye forsayde Fraunk aftyr~ ye tyme y^t yae are wexde & ye herys of yare bodys
 lawfully
 gotyn~ in landys or rentys to ye value of iiij marke 3erly extentyde & mayke all ye landys &
 tenementes rentes
 & seruyce & reuercions y^t he has in any towyne or lordchype qwere so yae be als sure & sykyr~
 eftyr~ his decese to ye
 forsayde Nicolas his sone & ye herys . [lawfully] gotyn~ be-thweyn~ ye forsayde Nicolas & forsayde
 Jonet os Auera of Manstonn
 yf he may be at laser~ or els anothyr~ mane chosyn~ be ye forsayde Fraunk & willyam~ wyll say is
 resonabyll for ye
 bothe partyes 3eldante oute of ye forsayde landys be a+rent charge 3erly aftyr~ ye decese of ye
 forsayde Wylliam &
 Nicolas vn-to Thomas ye sone of ye same Nicolas . [& ye heris of his body lawfully gotyn~] vj marke of syluyr~
 vsuell so y^t yf ye forsayde Thomas
 dye w^t-outyn~ herys of his body lawfully gotyn~ turne to ye nexte herys of ye forsayde Wylliam y^t
 yen ye
 obligacione of a C li stande os voyd or els stande in ye force & vertue And ye forsayde Fraunke sall
 pay
 for ye fefment & sykyrnes befor-wrytyne to ye forsayde wylliam to his herys or hys excektours or
 his sertayn
 attourne xx li of syluyr~ vsuell of ye qwylke xx li ye forsayde fraunk at ye . [day] of ye wedynge of ye
 forsayde



Nicolas & Jonet ⁘ ^[sall pay] x marke or els x li & remenauant at ye days in ye qwylke days ye forsayde
Fraunk w^t
othyr~ mo is bonyn~ in dyuers obligacions to pay to ye forsayde willyam or his herys or his *certeyn~*
attourne Jn wytnes of ⁘ ^[ye] qweylke thynges ⁘ ^[ye] parties be-forsayde hays sonyndyrly set to yare seyls
Done
at Waylden~ in ye feste of saynt Martyn~ in wyntyr~ ye 3ere ⁘ ^[of kyngdome] of oure kyng henry ye
fyyfte aftyr
<ill><1 line></ill>